

52942/462  
1755  
1P7

大字  
足本  
陳修園醫書四十八種

三星書店發行

省中医药学会書簽

編目 11-187  $\frac{2}{24}$



內之大君四臟如四方之侯伯。乾綱克振而天下皆安。其大彰明較著者也。諸家亦講補法。或偏救四臟之一。不專補心。久服增氣而成病。若能一於補心。則有利而無弊。獨閱方書。惟天王補心丹。以補心名。而用藥駁雜。不如此方補一臟而五臟交補。方中專補心者。茯神一味。餘藥則因四臟以補。如四方諸侯。皆出所有以貢天子。以補心為補藥之主。果病在他臟。則他臟之補藥。已具方中。便可藉心臟之精氣相助。不患其偏總。使心君操縱有權。四方上下安和。太平之象。可坐致也。尤妙在香附通行十二經八脈。氣分為之轉輸。不使滯於一處而偏勝。且能兼益六腑也。

醫學實在易卷之八

補遺並外備諸方

桂枝芍藥知母湯

治諸肢節疼痛。身體尪羸。脚腫如脫。頭眩氣短。嘔嘔欲吐。

附子

芍藥

甘草

麻黃

錢各三

桂枝

白朮

知母

防風

錢各四

生姜

五錢

右九味以水

二杯半。煎八分服。日夜三服。

用桂枝湯去棗加麻黃。以助其通陽。加白朮防風以伸

其脾氣。加附子知母以調其陰陽。多用生姜以平其嘔逆。

資壽解語湯

治中風脾緩。舌強不語。半身不遂。與地黃飲子同意。但彼重在腎。此重在

脾。

羌活

五分

防風

附子

羚羊角

天麻

酸棗仁

錢各一

肉桂

八分

炙甘草

五分

水二杯。煎八分。入竹瀝五錢。生姜汁二錢調服。

喻嘉言治腎氣不繫於舌本加枸杞。

首烏、天冬、菊花、石菖蒲、元參

清暑益氣湯

暑熱也肺主氣熱甚則氣泄如暑盛則金藏也故清暑必益氣四傷勞倦夏秋當伏

黃耆

汗少蒼朮 甘浸升麻

錢人參

去蘆澤瀉

橘皮

神麴

白朮

土炒各五分

麥冬

去心

當歸身

甘草

炙各五分

葛根

黃栢

酒浸去皮各二分

五味子

九粒

青皮

去瓢分半

水二杯

煎八分

食遠服

近效白朮湯

治風虛頭重眩苦極不知食味煖肌補中益精氣

白朮

四錢

附子

甘草

一錢

加生姜二片紅棗二枚水煎

喻嘉言曰此方治腎氣空虛之入外風入

腎恰似烏洞之中陰風慘慘晝夜不息風挾腎中濁陰之氣厥逆上攻其頭間重眩之

苦至極難耐兼以胃氣亦虛不知食味故方中全不用風門藥但用附子煖其水藏白

朮甘草煖其土藏水土一煖則濁陰之氣盡趨於下而頭苦重眩及不知食味之證除

矣其云益精氣者以既知食味自能多食精生於穀也

溫脾湯

治錮冷在腸胃間泄瀉腹痛宜先取去然後調治不可畏虛以養病也

附

子

乾姜

甘草

桂心

厚朴

各二錢

大黃

四分

水二杯煎六分服

喻嘉言曰許

叔微製此方深合仲景以溫藥下之之法方中大黃一味不用則溫藥必不能下而久

留之邪非攻不去多用恐溫藥不能制而洞泄或至轉劇裁酌用之真是法矣

雞矢醴

治鼓脹

雞矢

乾者五合山間者良


右為細末每服五錢食後酒調下

百合湯

治解休之神劑也

百合

用水二杯煎八分不拘時服



保生無憂散 婦人臨產。先服一二劑。自然易生。或遇橫生倒產。連日不生。服二三劑。神

效。

免絲餅

二錢五分 當歸

酒洗一分

川芎

三錢

白芍藥

一錢二分

甘草

五分

荆芥穗

八分

生黃耆

八分

厚朴

五分

枳殼

六分

艾葉

五分

真貝母

一分

羌活

五分

右十一味

依方修合。另將川貝研細末。候藥煎好。沖入同服。引用生姜三片。空心服。此方全用撐

法。當歸、川芎、白芍、養血活血者也。厚朴去瘀血者也。用之撐開血脈。俾惡露不致填塞。羌

活、荆芥、疏通太陽。將背後一撐。太陽經脈最長。太陽治則諸經皆治。枳殼疏通結氣。將

面前一撐。俾胎氣斂抑。而無阻滯之虞。艾葉溫暖子宮。撐動子宮。則胞胎靈動。貝母、元

絲最能滑胎順氣。將胎氣全體一撐。大具天然活潑之趣矣。加黃耆者。所以撐扶元氣。

元氣旺則轉動有力矣。生姜通神明去穢惡。散寒止嘔。所以撐扶正氣。而安胃氣。甘草

協和諸藥。俾其左宜右有。而全其撐法之神也。此方人多不得其解。程山齡註獨起。故

全錄之。

失笑散 治產後心腹絞痛欲死。或血迷心竅。不省人事。或胞衣不下。並治心痛。血滯

作痛。蒲黃 五靈脂 各等分 生研每服三錢。酒煎服。

黃耆六一散 治氣虛口渴不止。黃耆 錢六 炙草一錢 水煎服。

生化湯 治產後瘀血不行。腹痛等症。當歸 三錢 川芎二錢 炮姜八分 桃仁 四粒 炙

草一錢 水煎服。瘀血不行。加紅花一錢。傷風口瘡。加荆芥穗三四錢。益母草三錢。



七味白朮散 治小兒吐瀉及一切口渴不止 人參 白朮 茯苓 炙草 藿香

木香 錢各一 乾葛 三錢 共為末每服三五錢白湯調下或水煎服

加味歸芎湯 治婦人難產交骨不開 川芎 三錢 當歸身 五錢 龜板 三錢 生用 婦人生

過男女頂門髮 燒如雞子大 水三杯煎八分服如人行五里路即生 此方去龜板頭髮

名佛手散能安生胎去死胎

香薷丸 治水腫 乾香薷一斤白朮七兩 先將白朮為末後濃煎香薷汁為膏和

丸如梧子大飲服十丸日夜四五服利小便良 又外臺香薷丸以香薷五十斤水煎

膏令可丸如梧子大每服五十丸日三加以小便利為度無所忌

金匱防已茯苓湯 治皮水此症因肺閉則水不下而泛溢皮膚狀與風水相似但不惡

寒為度 防已 黃耆 桂枝 各三兩 茯苓 六兩 甘草 二兩 水六升煮取三升分溫服

崔氏療大腹水腫上氣小便赤澀頸脈動不卧方 苦苧蘆 五兩 杏仁 二兩 大棗 四十枚 飯

上蒸去皮核 分搗合治為丸如棗核大空心服八丸日晚食消再服五丸米飲下三日後

平旦服五丸晚服三丸 時法治氣喘咳嗽不已可代十棗湯

金匱翼云吐血不止將本人血磁鍋焙乾為末每一錢二分以參麥湯調下即止

金匱翼云凡吐粉紅色痰涎是肺絡損傷而血滲也治以鮮藕白糯米紅棗三物煎湯頻

頻服之久自愈此方係正白旗遲維新所授用之最良

腸痔下血方

木耳

五錢浸一宿洗淨

空心生食。禁茶湯半日。三服必愈。但不能除根耳。

磁石丸

治膏淋。膏淋者小便濁。

磁石

肉蓯蓉

酒浸切焙

澤瀉

滑石

各一兩

右為末

蜜丸梧子大。每服三十丸。溫酒下。不拘時服。如臍下妨悶。加沉香一錢。以行滯氣。

鹿茸散

治下元虛憊。小便溺血。日夜不止。

鹿茸

酒洗去皮酥炙令黃

生地黃

焙

當歸

各三錢

黃一錢

冬葵子

炒四兩半

右為細極末。每服三錢。空心溫酒調服。日二

一。方煉蜜為

丸如梧子大。每服二十丸。食前炒鹽湯下。

柴胡梅連散

治骨蒸勞熱。久而不愈。三服除根。

柴胡

人參

黃芩

甘草

黃

連當歸

白芍

各五錢

右為末。每服三錢。童便一盞。烏梅一個。猪膽五匙。猪脊髓一

條。並根半錢。水一鍾。同煎至七分。去滓。溫服。無時。原方有前胡。無人參。黃芩。甘草。當歸。

芍藥。余蓋從柴胡飲子增入。以備補虛瀉熱之用。去前胡者。不欲重散也。

涼膈散

治上焦積熱。煩躁。面赤頭昏。咽痛。喉痹。口瘡。頰腫。便溺悶赤。謔妄。睡卧不安。

風壅

薄荷

連翹

黃芩

梔子

甘草

各一兩半

大黃

芒硝

各半兩

右末。每服二三

錢。加竹葉七片。蜜三匙。煎食。後服。與四物各半服。能益血洩熱。名雙和散。本事加赤芍。

乾葛。治諸熱病。累效。玉機云。輕者宜桔梗湯。本方去硝黃。加桔梗。舟楫之品。浮而上

之。去胸中無形之熱。且不犯中下二焦也。

大棗湯。治水飲作痛。峻劑不可輕用。

大戟

芫花

炒

甘遂

各等分研末

用大棗十枚。

水二杯煎七分。去滓。入藥方寸七。約有七分。次早當下。未下再服。服後體虛。以稀粥調養。括蔓薤白白酒湯。治胸痺喘息。欬唾胸背痛。寸沉遲。關上小緊。括蔓連皮子。薤白如雞子。用五錢。

三錢生者。用六錢。白酒三杯。煎八分服。加半夏二錢。名括蔓薤白半夏湯。治胸痺不得臥。微痛。

薯蕷丸。治虛勞諸不足。風氣百疾。薯蕷三十。茯苓。柴胡。桔梗各五。白朮。防風。

芍藥。麥冬。芍藥。杏仁。各六分。阿膠。人參。各七分。乾姜。甘草。各二分。白朮。一分。乾地黄。

當歸。桂枝。神麴。豆黃卷。各十。大棗百枚。右二十一味。末之。煉蜜和丸。如彈子大。空

腹酒服一丸。一百丸為劑。魏念庭曰。人之元氣在肺。人之元陽在腎。既剝削。則難於遽復。

矣。全賴後天之穀氣。資益其生。是營衛非脾胃不能通宣。而氣血非飲食無由平復也。仲景故

為虛勞諸不足。而兼風氣百疾。立此薯蕷丸之法。方中以薯蕷為主。專理脾胃。上損下損。至此

可以撐持。以人參。白朮。茯苓。乾姜。豆黃卷。大棗。神麴。甘草助之。除濕益氣。而中土之令得行

矣。以當歸。芍藥。芍藥。地黃。麥冬。阿膠。養血滋陰。以柴胡。桂枝。防風。去邪散熱。以杏仁。桔梗。白

朮。下氣開鬱。惟恐虛而有熱之人。滋補之藥。上拒不受。故為散其邪熱。開其逆鬱。而氣血平

順。補益得納。為至當不易之道也。

大黃廔蟲丸。治五勞虛極羸瘦。腹滿不能飲食。食傷。憂傷。房室傷。飢傷。勞傷。經絡榮衛傷。內

有乾血。肌肉甲錯。目黯黑。緩中補虛。大黃。十分。黃芩。二兩。甘草。三兩。桃仁。杏仁。蟲

蟲。各一。芍藥。四兩。乾漆。一兩。乾地黄。十兩。水蛭。蟬蛸。各一。廔蟲。半斤。右十二味。末之。煉

蜜和丸。小豆大。酒服五丸。日三服。尤氏曰。風氣不去。則足以賊正氣。而長生不榮。故薯蕷丸為要方。乾血不去。則足以留新血。而滲灌不周。此丸為上劑。愚按此丸從內經四烏鯁一蘆茹丸悟出。但不如四烏鯁一蘆茹丸之平易近人也。

防己黃耆湯 治風水脈浮身重汗出惡風 防己 黃耆各三錢 炙甘草三錢五分 白朮二錢 生薑

四片。大棗一枚。水二杯。煎八分服。服後如虫行皮中。從腰下如水。後坐被上。又以一被繞

腰下。溫令微汗。瘥。喘者加麻黃。胃中不和者加芍藥。氣上衝者加桂枝。

附子粳米湯 治腹中寒氣雷鳴切痛胸脇逆滿嘔吐 附子二錢 半夏四錢 炙甘草一錢 粳

米五錢 大棗二枚 水三杯。煎八分。溫服。日夜作三服。

大黃附子湯 脇下偏痛發熱脈緊弦者 大黃三錢 附子三錢 細辛二錢 水二杯。煎八分服。

桂枝新加湯 治發汗後身疼痛脈沉遲者 桂枝 人參各三錢 甘草二錢 大棗十二枚 生薑

芍藥各四兩 右六味。以水一斗二升。微火煮取三升。去滓。分溫服一升。餘如桂枝湯法。

大柴胡湯 治太陽病未解。便傳入陽明。大便不通。熱實心煩。或寒熱往來。其脈沉實者。以此

方下之。芍藥 黃芩 枳實各三錢 柴胡八錢 半夏 生薑各五錢 大棗四枚 右七味。以

水三杯。煮取杯半。去滓。再煎八分。溫服。日三服。一方用大黃二錢。若不大黃。恐不為大柴胡湯也。

桃仁承氣湯 治太陽病不解。熱結膀胱。其人如狂。血自下者愈。其外不解者。尚未可攻。當先

解外。外已解。但小腹急結者。乃可攻之。 桃仁十七粒 大黃四錢 甘草二錢 桂枝二錢 芒硝





二錢

右五味以水二杯半煮取一杯去滓內芒硝更上微火至八分溫服日三服當微利

小承氣湯

治陽明病潮熱大便難脈沉而滑乃內實腹痛者

大黃四錢厚朴二錢去皮枳實

三錢

右三味以水二杯煎八分溫服日二服初服湯當更衣不爾者再飲之若更衣者勿服

大承氣湯

治陽明病大實大滿大便不通腹痛大熱其脈沉實者此方主之

芒硝三錢內三合

方三

大黃

酒洗四兩

枳實

五枚

厚朴

半觔去皮炙

右四味以水一斗先煮枳朴取五升去滓內大黃

煮取二升去滓內芒硝更上微火一二沸分溫再服得下餘勿服

調胃承氣湯

治汗後惡熱譫語心煩中滿脈浮者主之

大黃

四兩去皮酒浸

甘草

二兩炙

芒硝

右三味以水三升煮取一升去滓內芒硝更上微火煮令沸少少溫服之

按張憲公云承者以卑承尊而無專成之義天尊地卑一形氣也形統於氣故地統於天形

以承氣故地以承天胃土也坤之類也氣陽也乾之屬也胃為十二經之長化糟粕運精微

而成傳化之府豈專以塊然之形亦惟承此乾行不息之氣耳湯名承氣確有此義非取順

氣之義也憲公此解超出前人惜其所著傷寒類疏未刊行世憲公諱孝銘古吳人也

半夏瀉心湯

治傷寒五六日嘔而發熱者柴胡證俱在而以他藥下之柴胡證仍在者復與

柴胡湯此雖以下之不為逆必蒸蒸而振卻發熱汗出而解若心下滿而硬痛者此為痞柴

胡不當與之宜此方主之

半夏

半升洗

黃芩

乾姜

人參

各三兩

黃連

一兩

大棗

十二枚

右七味以水一斗煮取六升去滓再煎取三升溫服一升日三服



大黃黃連瀉心湯 治傷寒大下後復發汗心下痞按之濡其脈關上浮緊者此方主之若有

惡寒者表未解也宜先解表然後攻痞 大黃二兩黃連一兩 以麻黃沸湯二升漬之

須臾絞去滓分溫再服

附子瀉心湯 治心下痞而復惡寒 大黃二兩黃芩黃連各一兩附子一枚破別煮取汁

四味切三味以麻沸湯二升漬之須臾絞去滓內附子汁分溫再服

生姜瀉心湯 治傷寒解後胃中不和心下痞硬乾噎食臭脇下有水氣腹中雷鳴下利者

生姜四兩半夏半升人參三兩乾姜一兩黃芩三兩甘草三兩大棗十二枚黃連一兩

味以水一斗煮取六升去滓再煎取三升溫服一升日三服

甘草瀉心湯 治傷寒中風醫反下之其人下利日數十行穀不化腹中雷鳴心下痞硬而滿

乾噎心煩不得安醫見其心下痞謂病不盡復下之其痞益甚此非結熱但以胃中虛客氣

氣上逆故也 甘草四兩黃芩乾姜各三兩半夏半斤黃連一兩大棗十二枚右六味以

水一斗煮取六升去滓再煎取三升溫服一升日三服

溫經湯 吳茱萸三錢當歸芍藥人參桂枝阿膠甘草炙丹皮各二錢

姜三錢半夏二錢麥冬五錢 右十二味以水三杯煎至八分溫服亦主婦人少腹寒久不

受胎兼治崩中去血或月水來過多及至期不來 方中當歸芍藥阿膠肝藥也丹皮

桂枝心藥也吳茱萸肝藥亦胃藥也半夏胃藥亦衝藥也麥門冬甘草胃藥也人參補五藏

生姜利諸氣也。病在經血。以血生於心。藏於肝也。衝為血海也。胃屬陽明。厥陰衝脈麗之也。然細繹方意。以陽明為主。吳茱萸用至三錢。驅陽明中土之寒。即以麥門冬用至五錢。滋陽明中土之燥。一寒一熱。不使偶偏。所以謂之溫也。半夏用至二錢。半生薑用至三錢者。以姜能去穢而胃氣安。夏能降逆而胃氣順也。其餘皆相輔而成其溫之用。絕無逐瘀之品。故過期不來者能通之。月來過多者能止之。少腹寒而不受者。胎並能治之。神妙不可言矣。

陰挺方 秘授此方。治婦人螞蟻瘡。又名雞冠瘡。俗名下疳。古名陰挺。今人呼為喫血癆是也。飛礬六兩 銅綠四錢 五味 黃雄五錢 桃仁一兩 共研末。煉蜜丸。每丸重

四錢。以方內雄黃為衣。按婦人有得此症者。不肯聲張。以致毒攻臟腑。經脈不調。經閉。永不生育。面黃肌瘦。四肢無力。腰腹疼痛。不思茶飯。欬痰喘。乍寒乍熱。自汗盜汗。如有一月至一年之症。不知道者。或用刀割患處。命在旦夕。如遇此症。只用此丹一丸。重者二丸。坐入下部即愈。

駐車丸 治大冷洞痢。腸滑下赤白如魚腦。日夜無度。腹痛不可忍者。方 黃連六兩

乾姜二兩 當歸 阿膠各三兩 右四味為末。以大酢八合。炸膠和之。并手丸如大豆。候

乾大人飲服三十丸。小兒以意量減。日三。按張路玉云。人身有車皆附脊而行。以司精氣神之運度。羊車屬肺分。當在上。以職司化氣生精。故位反在下。鹿車屬腎分。當在

下以職司化火益氣。故位反在中。牛車屬脾分。當屬中以職司化味歸神。故位反在下。此皆平人之常度也。修真家惡其順行之性。起滅無常。乃修逆行之道。以為內丹之基。千金以平人失其常度。而患下痢崩脫。良由鹿車過駛。趨動羊車過動。以致精血不藏。牛車過疲。不能隨鹿車之馳驟。以致水穀不尅。故用乾姜以助牛車之健運。黃連以挽鹿車之傾危。阿膠以救羊車之奔迫。當歸以理血氣之散亂。庶精氣神各歸其統。而無崩脫之虞。且冷痢得乾姜可瘳。熱痢得黃連可瘳。冷熱交錯。得姜連可解。阿膠可滋乾姜之燥。當歸可和黃連之寒。不特久痢神丹。尤為休息之專藥。

附錄刀鎗跌打神方

白附子

麵粉裹為衣  
置火上煨熟

天麻

酒炒

南星

酒炒

防風

白芷

羌活

各等

右六味各等分。研細末。敷傷處。傷重者用童便并老酒服四五錢。傷輕者用酒服二三錢可也。

### 婦人科

婦人之病。與男子俱同。惟經之前後。與胎產前後。當另立法。

室女閉經。久必成癆。以天癸正旺。不應愆期也。其症發熱咳嗽。及寒熱往來。惡瘡漸盛。如脈洪口渴便秘者。為實熱。宜以四物湯加紅花。桃仁。大黃。醋炒烏藥。茜草。主之。脈虛口淡。多寒。腰腹痛。大便滑者。為虛寒。宜以四物湯加肉桂。人參。大黃。桃仁。乾姜。主之。二症脈濇。肌肉甲錯。將成乾血癆者。加蟲蟲水蛭攻之。但經閉即為血崩之兆。切不可任意攻擊。此症類多憂鬱。思慮七情過用所致。屬虛者十之六七。內經云。二陽之病。發心脾。有不得隱曲。為女子不月。宜以逍遙

散解肝之鬱。而諸鬱俱解。以歸脾湯補心脾之血。以治經血之源。景岳逍遙飲。心肝脾同治。為標本兩全之道。服之良久。然後通之。婦人經閉。照前法。

師尼寡婦。寒熱往來。脈上魚際。將成癆瘵。以小柴胡湯加生地主之。或八味逍遙散主之。

婦人經漸遲。是血海虛寒。宜以四物湯加桂附。吳萸人參。白朮。火草主之。經漸早。是血海挾熱。宜四物湯加黃連。黃芩。阿膠。地榆。甘草主之。愚按二症。經遲者。用歸脾湯加附子。乾姜。經早

者。加丹皮。梔子是也。

薛立齋之捷徑

婦人赤白帶下。與男子赤白濁同。俱主濕熱。宜二陳湯加蒼朮。白朮。各二錢。黃柏一錢。牡蠣粉

三錢。椿根皮。

醋炒

二錢。烏梅二枚。桃核主之。亦有

醋炒

有用補中益氣湯。及六八味丸而愈者。宜察其

鹽水炒

脈症而消息之。

赤屬血。宜加當歸。

醋炒

白屬氣。宜加黃耆。

鹽水炒

二錢。

鹽水炒

婦人經水不調。多不能成孕。宜先審其寒熱虛實。及有無憂鬱。以調其經。即是種子之法。又肥

人恐子宮脂滿。不能受胎。宜以四物湯去熟地。加半夏。貝母。香附。各二錢。阿膠三錢。天麻一錢。主

之。瘦人恐子宮乾燥。不能受胎。宜四物湯加人參。麥冬。半夏。桂枝。阿膠。各一錢五分。艾葉。吳萸。

各五分。主之。景岳育麟珠。為種子良方。不可不知。

墮胎症。丹溪主於脾虛挾火。以胎繫於脾。猶鍾懸於樑也。故以白朮補脾為主。火盛則動其胎。氣故黃芩瀉火為輔。於是垂其訓曰。黃芩。白朮。為安胎之聖藥。達生篇遵其法。而立安胎方服多。



效。然物雖繫於樛而力則藉於棟。巨棟屹然不動而樛方安。故人之兩腎猶兩棟也。如左尺弱必以六味丸為主。右尺弱必以八味丸為主。而阿膠艾葉續斷五味子之類。於二方隨宜加減。應手取效。此趙養葵先生之心法也。大抵三月五月胎必應期而墮者。皆是腎虛。必以此法為上。若近時醫必謂丹皮動血。桂枝墮胎。戒而不用。不知庸劣誤人。即此等不讀書假小人之輩也。張石頑曰。舉世皆以白朮黃芩為安胎聖藥。半夏桂附為墮胎峻劑。孰知反有安胎妙用哉。蓋子氣之安危。係乎母氣之有偏勝與否。若母氣多火。得芩連則安。得桂附則危。母氣多痰。得芩半則安。得歸地則危。母氣多寒。得桂附則安。得芩連則危。務在調其偏勝。適其寒溫。世未有母氣逆而胎得安者。亦未有母氣安而胎反墮者。所以金匱有懷孕六七月胎脹腹痛。惡寒少腹如扇。用附子湯溫其臟者。不可不知。

產前嗽喘腫脹。及一切雜症。俱以雜症正法醫之。不必謂某藥動胎。某藥墮胎。疑而不用也。內經云。有故無損。即此謂也。或以四物湯為主。以護其胎。則所用之藥。直入於病。絕無妨礙。觀潔古六合四物湯。凡硝黃之類。無所不用。可以觀古人之有識有膽也。其方備載於醫方集解末卷。宜熟讀之。

產婦臨盆。以忍痛熟睡為主。分娩自有定時。不妨緩緩以待。切勿聽穩婆驚悚之言。如交骨不開。是陰氣大虛。宜加味歸芎湯主之。

加味歸芎湯

見女科要旨



又方以桃仁一個劈作兩片一片寫可字一片寫出字仍合以糊粘之吞下多效  
又胎猶舟也血猶水也水滿則舟行如血行太早則胎乾瀋而難出必以十全大補大劑服之  
如血未行以保生無憂散主之

又產後腹中疔痛諸藥不效以手重按稍止者虛之候必用峻補法羊肉湯主之

催生歌

一烏

烏梅

三巴

巴豆

七胡椒

研細

末搗爛取成膏酒醋調和臍下貼便令母子見分胞

一產難

密以淨紙書本州太守姓名燈上燒灰湯調服即產

出百一選方

一小兒逆生用烏蛇脫一條蟬脫二七個胎髮一團三味燒為灰分為二服溫酒調下併進二

服仰臥霎時其兒即順生或用小鍼於兒脚心刺三七刺急用鹽少許塗刺處即時順生子

母俱活也

出劉頤叔異苑

一灸難產法張文仲灸婦人橫產先手出諸般符藥不便灸婦人右脚小指頭尖三壯如小麥

大下火立產

產後一切雜症先以生化湯去瘀生新嗣以八珍湯大補氣血即有雜症亦姑置弗論蓋產後

扶虛惟補養氣血氣血一復有邪自然渙解無邪即見平康此高鼓峯之說本於朱丹溪先

生時醫多宗此說姑存之

生化湯

當歸

五錢

川芎

二錢

炮姜

五分

桃仁

一錢五分

炙草

一錢

水煎服

又產後中風牙關緊閉角弓反張宜以華陀愈風散治之

荆芥穗

二三兩焙乾為末

每用三錢或

五錢酒和童便各半送下。如口噤用一兩以童便煎好從鼻孔灌之。

產婦乳少是氣血不足宜猪蹄湯主之。

生黃耆一兩當歸五錢白芷三錢木通一錢以猪

前蹄二隻煮汁五盞以二盞半煎成八分服後偃面卧一時其乳擦一晌令人吮之去滓

再用猪蹄汁煎服。

毓麟珠

治婦人氣血俱虛瘦弱不孕。

人參白朮茯苓芍藥川芎

草

各三兩

當歸

熟地

兔絲子

各四兩

杜仲

酒炒

鹿角霜

川椒

炒出汗

各二兩

煉蜜丸如彈子大

每空心嚼服一二丸用酒或白湯送下。或為小丸吞服亦可。

如經遲腹痛。桂附吳茱之類

可加。如血熱經早。地骨皮續斷之類可加。



南京中醫藥大學圖書館藏